



Ahmed Imamović
Sarajevo, [REDACTED]

03-4/174
25.03.2019
Sarajevo, 25.03.2019. godine
12.15 sati **HITNO**



PRIMA:
UNIVERZITET U SARAJEVU - REKTORAT
Obala Kulina bana 7/II
71000 Sarajevo
n/r gosp. Rifat Škrijelj



AKADEMIJA SCENSKIH UMJETNOSTI
Obala Kulina bana 11
71000 Sarajevo
n/r gosp. Pjer Žalica

PREDMET: Zahtjev za poništenje štetne Odluke broj: 01-8-13/19 od 27.02.2019. godine i Obavještenja broj: 03-4/19 od 12.03.2019. godine. - dostavlja se

Poštovani,

U vezi sa meni dostavljenom štetnom Odlukom broj: 01-8-13/19 od 27.02.2019. godine o izboru u zvanje redovnog profesora, uvaženog gospodina Danisa Tanovića, ovom prilikom Vas obavještavam da nakon obavljenih konsultacija sa mojim advokatskim timom, želim da ukažem na brojne nezakonitosti po ovom javnom konkursu i zahtjevam da prije podnošenja mog tužbenog zahtjeva, sami poništite javni konkurs i na taj način zaštitite ugled, prije svega Univerziteta u Sarajevu, samim tim i Akademije scenskih umjetnosti.

Ukazujem Vam da je učinjena gruba i diskriminirajuća povreda pozitivnih zakonskih propisa, u vezi sa javnim konkursom na Akademiji scenskih umjetnosti, za izbor nastavnika za oblast Režija, od 14.12.2018. godine.

Dana 16.03.2019. godine, meni kao kandidatu na naprijed navedenom javnom konkursu, u prostorijama Pošte II Sarajevo, je uručena dokumentacija od Akademije scenskih umjetnosti, koja je sačinjavala Odluku broj: 01-8-13/19 od 27.02.2019. godine i Obavještenje broj: 03-4/19 od 12.03.2019. godine.

Pitam Vas, kako je moguće da se izabere jedan kandidat po javnom konkursu (Odluka broj: 01-8-13/19 od 27.02.2019. godine), a da se drugi kandidat obavijesti tek 16.03.2019. godine (Obavještenje broj: 03-4/19 od 12.03.2019. godine.). Kako?

Zar kandidati ne trebaju biti obavješteni prije same odluke o izboru potencijalno najboljeg kandidata?

Zar kandidati nemaju pravo žalbe na prvostepenu odluku Komisije za izbor kandidata? Gdje je nestalo moje osnovno pravo žalbe? Na koji način je osigurana dvostепенost postupka na Akademiji scenskih umjetnosti, konkretno u mom slučaju?

Pouka o pravnom lijeku u oba štetna dokumenta je nezakonita, budući da se radi o aktima koji se ne rješavaju upravnim postupkom, već parničnim postupkom, budući da se radi o pitanju iz oblasti radno-pravnog spora.

Molim Vas da budete razumni i da donesete jedino ispravno rješenje i poništite štetne akte. Potrebno je da me što prije obavijestite o poduzetim aktivnostima i zaključku po ovom zahtjevu, a najkasnije u roku od 8 dana, od dana zaprimanja ovog zahtjeva.

S poštovanjem,


Imamović Ahmed